


GIMAA GAMIG MAAMPII ONTARIO

GIIWASHKWESHINOWIN NISIDWENJIGAADEG NIKAAZIWIN



ROWAN'S LAW

WAASAMO BIIWAABIKONSING-MAZINIGAANS:
15 BIBOON MIINWAA WOSHME EPIITZIJIG


Ontario 

Nanagaasijigaadeg wiisgishinowan gichi piitendaagwod awii aabaji gagwaashkweziwaad bemaadizijig kina ani bimaadiziwaad. Aanin wiisgishinowan wenpandon awii waamjigaadeg miinwaa awii naawitong dash wiigwa aaniish owi wiisgishinowin biinji ondib? Wiinindib wiisgishinowan, dibishko gonaa giiwashkweshinowan, gaawii naagosinon zaagijiwing miinwaa gaawii pane gikendaagosinon. Aaniwi gwaa bwaa waabmdaman owi wiisgishinowin, owa bemaadizid eyaang giiwashkweshinowin yaa-aabi mozhiton endodaagemgag miinwaa dowendaagwod weweni gnowenjigewin awii mino yaad.

Maanda nikaazowin aga naadmaagwon woshme awii gikendaman newen giiwashkweshinowin awii naadmaagiyin miinwaa aanin bemaadizijig awii gagwaashkweziwaad miinwaa awii waankiiwaad – giishpin agwa aawiyin ojepizid, e'skonwid, e'gitziinged, daminang ekinomaaged, ogimaa maage ekinomaaged.



WEGNESH OWI GIIWASHKWESHINOWIN?



Owi giiwashkweshinowin aawan wiinindib wiisgishinowin. Gaawii adaa waamjigaadesno zhaabwaatesjiganing, bezhig dinookaan zhaabwaate shimiwewin e-aabajichigaadeg mamaandaawaabik maage Waasamoo-manidoo-biiwaabik mazinaatesjigan. Gnimaa adaa madokdaagwan owi nikiyaa bemaadizid enendang, ezhyaad miinwaa endodang.

Wegwen agwa wepijigan zhiwe ondib, dengwe maage okwegan adaa miigwemigad giiwashkweshinowin. Owi giiwashkweshinowin gnimaa adaa onji zhiwebad wepajigan zhiwe wiiyawin giishpin gagetin owi wepajigan zhichigemigag owi wiinindib awii bimaajibideg biinji oshtigwaaning. Dibishko gonaa gagetin wepadaagowin gdo dibaang bakwaakwad nakaazang maage gagetin amigishinang michisag.

Owi giiwashkweshinowin aawan nenizaanag wiisgishinowin. Aanowi agwa madokdaagewinan ajina tenon, owi giiwashkweshinowin adaa ani aawan gichi gnesh inamanjiwinan, maage gagige madookdaagewinan, dibishko gonaa makwendamowin maage maanendamowaapine.



NANAGAASIJIGAADEG OWI GIIWASHKWESHINOWIN


Ntam, giin gdaa ndagikendaan newen yaawong giiwashkweshinowinan.

Miinwaa age:

- Gда gagwekwendaan giin/gdo ojepizijig nikaazawaad nikaaziwinan e'nishing;
- Gда gagwekwendaan giin/gdo ojepizijig e'naagzowaabamajig biiskamiwaad nakaaziwin weweni awii minaakamowaad;
- Gда gagwekwendaan giin/gdo ojepizijig minaadendamowaad newen naaknigewinan owi daminowin;



- Waawiindamaagen owi gdo daminowin wiijindiwin/ gikino amaadiwaagwaam ado Giiwashkweshinowin Naagojigan Doodamowin miinwaa gagwekwenjigaadeg ojepizijig gewiinwaa naagodowaad; miinwaa
- Gagaandinigaadeg owi waankiiwendaagwog miinwaa mino wendaagwog gaataawiing kina gwya awii dibaajimad gego wiisgishinowinan. Gagwekwendaan kina gwya nsastang newen iniwewiin bwaa dibaajimang.




NISIDWAABMJIGAADEG OWI GIIWASHKWESHINOWIN

◆ HIT. STOP. SIT.

Kina agwa gwaya adaa naadmaage awii nisidwaabmjigaadeg gnimaa aawang giiwashkweshinowin giishpin gikendamowaad awaa dowaabmidamwaad miinwaa awaa nondamowaad.

Owa bemaadizid eyaang giiwashkweshinowin gnimaa adaa yaan bezhig maage woshme newen e'waabmjigaadeg maage inamjiwinan maampii niisawiing ezhibiigaadeg. Gnimaa gaawii wewiib adaa naagsinon maage niibna diba'igan, gnimaa age niibna gjizhik baamaapii. Bezhig waamjigewin maage inamjiwin debsemigad awii monendamang giiwashkweshinowin. Aanin bemaadizijig e'yaamijig giiwashkweshinowin gaawii wanimikawisiiwog.



Gagwej e'waamjigaadeg miinwaa inamjiwinan owi giiwashkweshinowin:

WIIYAW:


- Dewikwe
- Maagode'emanji'ondib
- Giiwashkwuyaabandam
- Maazhidewe maage zhashagagwe
- Biigizawinam
- Gaagiiskaagwon e'waasewaag
maage medweweg
- Midiwesin biinji otawaganan
- Nabane izhisesii
- Ayekozi maage nondese
mashkawiziwin
- Noondengoshi
- "Gaawii gagwek zhayaasii"

INAMJIWIN:

- Nishkaajizhaya (wewiib maanaadendam
maage nishkaadizi)
- Maanendamowaapine
- Maanaadendamowin
- Goshko-ayaa maage migoshkaadendam


INENDAMOWIN:

- Gaawii gagwek nendizii
- Bejiimigad inendamowin
- Giiwanaadendam
- Znagizi naagzowaamjiged
- Znagizi awii makwendang gego



NIBEWIN-ENOWENDAAGWOG:


- Woshme maage bangii nibaad
gagweji minik.
- Zinagizi awii nibaad



MISKO GIKINWAAJIGANAN:

"Misko Gikinwaajiganan" gnimaa adaa aawan yaaman wiisagaapinewin. Ganawaabmidan mishko gikinwaajiganan aawang niizaanendaagwog miinwaa giigidan 911.


- Gaagijjigwewe maage wiisigigwewe
- Niizhowaabi
- Niinimiziwin maage giikimanike maage giikiminokaade
- Wiisgi maage woshme wiisgi diwekwe
- Ojibinigo maage daapabinigo
- Gaawiin mikawisii (nikaamdaginaamaa)
- Zhaashiishigagowe
- Woshme nashkwe zhayaa, nishkaaji zhayaa maage miigaaji zhayaa
- Woshme agwa giiwanaadendam



WEGNESH AGE ZHICHIGEWIN MIINWAA?

Giishpin nendaman giiwashkweshinowin, animaajaan maage maajiish owa e'kowaabimad owi dinakmigiziwin wewiib agwa. Aabaji taawin dinakmigiziwin giin maage owa gnimaa giiwashkweshinowin agaa debnang awii niizaanzi awii debinang woshme znagendaagwog, gnesh etemigag inamjiwinan. Ganoozh owa e'gitziinged/ nyaagdownimaad (gewe e'jipizid gaawii mashi 18 epiitsisig) maage niizaanag awaa ganonind. Gegwa njike naganaake owa gnimaa giiwashkweshinowin agaa debnang.

Gwaya bemaadizid agaa bamigaazad owi dinakmigiziwin gnimaa giiwashkweshinowin agaa debnang adaa waabmaan mshkikii ninwon maage mshkikiikwe wewiib agwa ezhi gshkitoong. Owa bemaadizid gaawii adaa bisaabiisii owi bwaa nigaazijigaadeg wiidokaazang owi nagajitowin, gagwejiiwin maage maanenjigewin baamaapii debinang mashkikiinini bagidinigewin.



ESHKAM MINO AYAANG

Maawach bemaadizijig eyaamijig
giiwashkweshinowin ani mino
ayaawog nigo apiinish niwin anami`e-
giizhigad Aanin bemaadzijig woshme
gnesh n'jitaawog. Ensa bezhig
giiwashkweshinowin bkaan aawan
– gegwa aawechigaadanige bezhig
bemaadizid aabziishinowin owa
bekaanizid bemaadizid.

Gnimaan agwa owi giiwashkweshinowin
gnesh adaa tenon madookdaagewinan.
Bemaadizijig gnimaan adaa yaanaa-aa
inamjiwinan, dibishko gonaa dekwewin,
gaagijigwewin maage maanaa
zaabiwin, age temgag niibna giizis,
maage niibna nisa biboon. Aanin age
adaa yaanaa-aan gaagige aanjiseg
ado wiinindib eni zhiwebak znagiziwin
dibishko gonaa minjimendamowin,
nashkwewendamowin maage
maanendamowaapinewin. Wewiikaa
agwa ezhilwebag, owa bemaadizid
e'debinag niibna wiinindib
wiisgishnowinan jibwaa mino yaad
naasiwe newen wiisgishnowinan
gnimaan adaa maajitamigad neniizaanag
baagishiwin wiinindib, owi ezhinikaadeg
ekwa niizhing aandaapinewin, ageni
zhiwebikiba maajimiziwin maage
nibowin.


Owa bemaadizid epiichi aabziishing

owi giiwashkweshinowin, gaawii adaa
zhichigesii gego woshme awii maanaaj
inamjiwod. Gnimaan aabdeg adaa
boniikaanan zhichigewinan dibishko
gonaa nakiitod wiiya, gnowaabmdang
mazinatesijigan maage gikinomaagewin.

Noojimang owi giiwashkweshinowin
aawan nankiiwin nendowendaagwog
zhiibendamowin. Wewiib bisaabiing
nankiiwin woshme inamjiwinan adaa
maanaadodon miinwaa woshme gnesh
adaa njitaamigad awii noojimang.

Wegwen agwa eyaang
giiwashkweshinowin adaa
wiindamowaan gwaya bekaanzinjin.
Gwanda adaa digoshinog gitziiman, kina
jepizing waajii-ejig/waadokaazijig, gikino
amaadiiwiigwaaman, e'waamdowejig
daminowin miinwaa e'kinomaagejig.

Miinwaa mikwendan, neyaab
gikinomaadiwin ntam aawan jibwaa
maajitaang bwaa nigaasijigaadeg
daminowin.



BISKAABIING OWI GIKINOMAADIWIN MIINWAA DAMINOWIN

Jepizjig miinwaa e'kinomaagaazijig mashkikiinini maaage mashkikiikwe agaa waawiiindang giwashkweshinowin aabdeg ada anizhaa daminowing nyaagdowendamajig neyaab biskaabiing daminowin naagjigewin miinwaa/maage, zhiwe miisemigag, owi gikino amaadiiwiigwaam neyaab biskaabiing gikinomaagewin naaknigewgin.

Jepzijig miinwaa e'kinomaagaazijig adaa wiji nakiimaa-aan ado mino ayaawin nyaagdowendamajig miinwaa daminowin nyaagdowendamajig/ gikino amaadiiwiigwaam awii maajitaawaad ado njike naaknigewin neyaab awii daminowaad miinwaa age neyaab awii biskaabiwaad gikino amaadiiwiigwaming.


Neyaab awii Biskaabiwaad-Gikino Amaadiiwiigwaming Naaknigewin (Gikendamowin miinwaa Wiyaaw Nakiitowaad)

E'kinomaagaazijig odi shki miinwaa aanke gikinomaadiwin adaa dowendaagoziwog awii naagidowaad ado gikino amaadiiwiigwaam biskaabiwaad-gikino

amaadiiwiigwaming naaknigewin, owi e'aasgaabiwitamowaad owa e'kinomaagaazad awii biskaabiid awii gikendamowin miinwaa wiiyaw nakiitod. Giigidan gikino amaadiiwiigwam woshme gego awii gikendaman.

Neyaab awii Biskaabiwaad-Gikino Amaadiiwiigwaming Naagjigewin

Maawaach agwa biskaabiwaad-daminowin naagjigewinan kidomigad gewe jepizjig adaa niwebog 24 apiinish 48 dibagiisaan jibwaa maajitaawaad gego nengaaj ani biskaabiwaad daminowin. Owa ojepizid gaawii adaa maajitaasii bwaa nigaazijigaadeg wiidokaazang owi nagajitowin, gagwejiiwin maage maanenjigewin baamaapii debinang mshkikiinini bagidinigewin.



Owi gikinawaabanijigan niisaawiing etemgag zhibiigaadenon zhichigewinan miinwaa e'nankiing newen gagweji mikigaadeg zhiwe biskaabiwaad-daminowin naagjigewinan miinwaa neyaab biskaabiing gikinomaagewin naaknigewgin.

Gikinawaabanijigan: Gagweji Zhchigewinan zhiwe Bemigii Biskaabiwaad-Daminowin Naagjigewinan

Zhichigewin	Waani azhaang	Danakamigiziwin	Gshkitoong owi Zhchigewin
1	Nigaasidong maanaaj inamjiwin danakimigiziwin	Ensa gjizhigag e'nankiing gaawii woshme inamjiwinan maanaadsinon, dibishko gonaa bibaayaang endaang miinwaa bangii gego nankiing endaang.	Nanegaaj maajitaawin gikino amaadiwin miinwaa nankiwinan
2	Naangang wiiyaw nakiitowin	Naangang nankiwin bangii awii gizhiibideg ode, dibishko gonaa bimaseng maage bekaa e'bid ditibiwebishkigan 10 apiinish 15 dibagaans	Giigsemigag ode epiichibideg
3	Daminowin waajii-emigag nakiitowin wiiya	Njike mino ayaawin nankiwin dibishko gonaa bimbitoowin maage zhooshkwaadewin Gaawii gego bitaakshkodaading maage ondib nakaazang	Aankesidon bimaajiiwin
4	Gaawii gego bitaakshkodaading nagajitowin, gagwejiwin, aagwiito zhichigewin	Woshme znagag nagajitowin aagwiito zhichigewin Digosidon nanaakonige nagajitowin (giishpin miigsemigag)	Nakiitowin wiiyaw, maamowi nakiitowin wiiyaw miinwaa woshme naanaagidowendamowin
5	Bwaa nigaadziijaadeg gagwejiwin	Bwaa nigaadziijaadeg gagwejiwin – bitaakshkodaadiwin temgag	Noojimotoon apenimandaadiziwin minwaa dibizhan epiichi gshkitood
6	Biskaabiing daminowin	Bwaa nigaadziijaadeg daminowin maage maanenjigewin	

Mashkikiinini bagidinigewin aabdeg dowendaagwod jibwaa biskaabiid ojepizid owi bwaa nigaadziijaadeg nagajitowin, gagwejiwin maage maanenjigewin.

Gagwejim gdo daminowin wiji-ewin miinwaa gikino amaadiiwigwaam newen zhichigewinan age naagdowin.

Owa ojepizid gagweji giizhiitaa awii ani zhaad miinwaa enitemigag zhichigewin apii gshkitowaad zhichigewinan megwa eni yaawaad gego shkiwii maage woshme maanaaj inamjiwinan. Giishpin zhiwe eni zhichigeng inamjiwinan woshme maanaadag, adaa bontaa miinwaa ne-aab adaa ani zhaa agaa zhichiged ntam. Ensa bezhig owi zhichigewin 24 dibagiiswaan adaa njitaamigad. Giishpin inamjiwinan gaawii naawisesinag maage inamjiwinan woshme ani maanaadak, owi ojepizid ne-aab adaa zhaa mashkikiininon maage maskikiikwe.



MIKOWAATAAGOZIWIN:

Makwendaran:

- 1. Nisidwaabmdan e'waamjigaadeg miinwaa inamjiwinan owi giiwashkweshinowin miinwaa** mamindizan maage owa ojepizid zhiwe daminowin/wiiyaw nakiitowin, aanwi agwa MINA zhayaawin maage kidwaad MINA zhayaawaad.
- 2. Giin/owa ojepizid zhaan awii ndakenmigowin** owa mashkikiinini maage mashkikiikwe.
- 3. Aasbaagwitan negaaj biskaabiwingikino** amaadiiwiigwaam miinwaa daminowin.





Rowan Stringer

◐ ROWAN'S LAW

Maanda waasamo biiwaabig mazinigan aawan bezhig newen maziniginan owi Rowan's Law giiwashkweshinowin gikendamowin nikaaziwinan. Rowan's Law agii zhinkaade owa onji Rowan Stringer, aanke gikino amaadiiwiigwaam bikwaakod e'daminad abi njibaad Ottawa, agaa nibod minookamig 2013 owi onji ishayaawin ezhi gikenjigaadeg ekwa niizhing aandaapinewin (baagishing wiinindib agaa onji zhiwebak aanke wiisgishinang agaa zhiwebak jibwaa noojimomigag owi ntam wiisgishinowin). Rowan agii nenjigaaza agii debnang nisiwi giiwashkweshinowin biinji ningodwaasogon epiichi bikwaakod daminad. Agii gikendaan agwa yaang giiwashkweshinowin dash gaawii agii gikendiziin wiinindib dowendaagwog awii noojimomigag. Gaawii age gitziiman, gikinomaagejig maage daminang ekinomaagejig.

Ninda nikaazowinan gaawii nendaagosinon awii miigweng mshkikii giikmigewin enowendaagwog mino ayaawin naagdowenjigaadeg. Giikmigewin owi mino ayaawin onji giiwashkweshinowin inamjiwinan, nanaandowaabam mashkikiinini maage mashkikiikkwe.